

Asîmanekî di sereçûyî



Silêman Azer

Asîmanekî di sereçûyî,
ji bêrîkirinan, ber bi tîbûn û
tazîbûnên te ve diherike.
Bar kirî, biveşartinan û
zelaliyên xwe yên riswabûyî di
kûraniya lepên Xwedayetiyê.
Di spêre, kore riyên sînga xwe
guvaştî.
Nelivandinên xwe yî, sitimî,
valabûnin, deqandî bi sersariyê.
Guheztine, şevbuhêrkên
sergêjiya we.
çîrokê qerax û cihine, kavilbûyî
li ber deng û bînayîya mijûliyê.
Lorandiye, li ser zendê tevîzî bi
xilmaşiya, pêçayî bi
veciniqandinan.
Dipijiqe cendekê rewaniyê.
Li ser wan dilbijandinan.
Tu fûriye kela keskahîya xwe.

Tu çandine, di bin awirên
hêviyên bi tava xwe şuştî.
Hilweşiyayî, li ber dengvedana
wê xweşiyê...
Ji bîr nabe, dilopên, noşandina
te yî raxistî.
Bûrinek tir.
Qewartîne tê şelana demkokin,
bi mêtina, hejîna wî.
Dipelînin sîwankirina wê
şîniyê.
Tu ziwa bû ji gîrnijînên wê
barînê.
Li ser rûdêmê wê sariyê.
Ma valaye Xweda...?
Ji bicîkirina kesmê te re di
henteşa tenêtiya xwe de.
Û li malzaroktiya te, biweşîne
henasên xwe, ji bo bergirtina
wê rûmetiyê...?